

晉溪本兵敷奏

晉漢書直敷奏卷三

宣府大同類

宣府南至居庸關不及二日之程北去虜地近者僅百里許故宣府守臣奏報境外虜衆住牧則京師亦當為之備正統己巳虜騎直犯京師由內無備也正德八九年間虜營移住威寧海子在宣府大同之間離邊不遠嘗由大白陽口入寇宣府遊擊將軍倪鎮張勳禦之敗死又由順聖川入寇蔚州等處又過鴈門寇太原本處官軍皆不能禦遣咸寧侯仇鉞都督白玉溫恭

相繼出征所統皆京營弱兵調遣分布不得機  
宜今右都御史叢蘭總制宣府大同山西三鎮  
軍務牽制太甚二年之間糜費鉅萬未得機會  
與虜一戰正德十年虜衆西移住牧河套為患  
陝西十一年春復過河東住威寧海子瓊得報  
即奏請於團營選將練兵陰為屯兵細柳之計  
是年秋虜賊又由大白陽口入寇逼近居庸時  
都督劉暉充總兵官桂勇賈鑑充左右叅將俱  
在團營操練聽征已半年素已有備又遼東精  
兵見調在薊州近京至是報到三日之內劉暉

等即統兵出關遼東兵外京營官軍出者不過  
六千亦皆精銳可用馬亦臚壯既出與宣府兵  
合軍威大振虜營西移住大同境外劉暉等亦  
襲而西駐兵大同虜忽起營北去近邊哨無煙  
火方議班師虜乃由大同西間道入偏頭關寇  
鎮西是時延綏勁兵驍將先已調山西三關內  
外按伏遂得合兵一戰虜賊大遭剝削遁去雖  
曰天意謂無人謀不可也况自初出至班師首  
尾纔三月費亦不多虜賊自鎮西一敗五六年  
來不復敢近山西三關豈非有所懲哉正德十

二年虜營仍住威寧海子本部預奏設備視正  
德十一年尤為周密大同鎮巡官哨探分布亦  
中機宜適

車駕幸陽和虜賊入應州遼東兵已在陽和待  
奏方發稽遲大同總兵官亦在陽和回遲杭雄  
等雖遇戰不獲大捷惜哉

為預防虜患事

議得宣大二鎮共有官軍一十四萬延寧二鎮又設  
有官軍七萬歲費糧儲數百萬計專為防禦虜寇近  
年各鎮守臣因循怠忽不肯預先料度虜情運謀設

策調度軍馬相機戰守以致虜賊深入得利而去大肆猖獗無所畏憚乃至

朝廷命將出師彼賊已去留兵在邊等候為因邊地廣濶彼賊出沒不常不得恰好相遇一戰以此勞費雖多不能成功即今若不將本邊將士戒飾預為隄備虜賊過河必來侵犯倉卒計處必蹈往轍緩不及事貽患非輕臣等愚見乞

勅宣府大同鎮守太監總兵官巡撫都御史會同計議今年河凍虜賊過河駐牧作何設法隄備可保無虞訪取熟知邊情地理之人密切審問先年虜賊進

境搶掠出入道路應該調撥何城堡軍馬在何地方  
駐劄可以正當賊衝截殺取勝於何地方按伏可以  
邀其歸路追勦得功本鎮軍馬雖各散處城堡必須  
量數挑選精銳官軍記名聽候有警調取會合勦殺  
務在料敵先知筭無遺策不可互相推倚因循苟安  
及似常分調按伏不當賊衝虛應故事以致虜賊深  
入搶掠出入自由定照葉椿姜彬高友機等事例拏  
問取回降黜必不輕貸各將計議過隄備虜賊事宜  
明白具奏不許含糊遲誤正德十年九月二十八日  
具題奉

聖旨是這預防虜患事宜恁部裏行移彼處鎮巡等官知會欽此

為北虜大舉入寇隴州亦卜剌賊衆侵犯洮岷事情緊急請命將官統兵征討事

看得巡撫宣府都御史王純等奏稱本鎮兵馬數少老弱不堪目今在套大勢達賊得冰合東行覘知我邊人馬寡弱乘虛突然侵犯誤事非細乞要行右都督張洪到彼相視賊情稍緩將余震原領官軍三千員名督發回鎮防守一節照得原調余震遊兵近該本部議擬題奉

欽依行令右都督張洪到彼斟酌賊情緩急或仍留  
或發回徑自定奪外今巡撫宣府都御史王純等又  
奏前因緣本鎮先調余震遊兵三千今又調去宋贊  
下三千湛臣下一千俱往陝西殺賊委的本鎮精兵  
數少有警誤事合無本部行移提督軍務都御史陳  
天祥總兵官右都督張洪查照原擬如果陝西各路  
軍馬足勾調遣或賊已過河東行即將余震遊兵三  
千發回本鎮防守或隨賊聲勢所在應援截殺俱從  
宜施行務在分布得宜毋致兩相失誤各有所歸正  
德十年十月十八日具題奉

聖旨是便行與陳天祥等知道欽此

為預防虜患事

看得巡撫都御史王純會同太監于喜副總兵陶杰  
所奏預防虜患事宜除大同三關延綏紫荊倒馬等  
關俱不係宣府所轄軍機難以遙度及有礙舊例者  
俱難施行其言添選精銳援兵每軍一千推委慣經  
戰陣謀勇官一員統領編成司隊造冊聽候選差乖  
覺夜不收哨探賊勢多寡進入道路舉放砲火互相  
傳報分布人馬相機戰守一節近年為因賊至不得  
預知報到方調軍馬以致失誤事機前項所言選定

援兵傳報砲火二事深得禦虜之法其言軍前執旗掛牌記功及臨陣退縮立斬示衆俱係軍法舊例亦合准行合無本部行文都御史王純等再與總兵官潘浩計議停當就便依擬施行務在料敵先知調軍得勝隨機應變計出萬全又看得各官奏稱近日草枯馬無牧放賊不深入明年春夏之交青草茂盛必然深入京軍不必動調止調本鎮官軍相機戰守一節所言似亦有據合無本部行文監督提督總兵等官張忠陳天祥等會同計議如果虜賊過河腹裏草枯不敢深入探無聲息就便具奏班師京營操練待

聖旨是這預防虜患事宜恁部裏行移彼處鎮巡等官知會欽此

為軍務事

看得巡撫大同都御史王憲會同總兵官時源鎮守太監馬錫奏報正德十年下半年實有馬步官軍四萬六千二百七十四員名及查管糧署郎中陳溥開報下半年官軍五萬八千一百三十六員名中間恐有私役隱占冒支月糧等項情弊合無本部移咨都

察院轉行巡按御史會同戶部管糧郎中弔取本鎮  
官軍食糧文簿從公查勘實在官軍的有若干其少  
報官軍如有私役隱占及冒支月糧開造差錯等項  
情弊應提問者就便提問應叅奏者叅奏施行正德  
十一年正月十八日具題奉  
聖旨是這官軍實在名數着巡按并管糧官查勘明  
白來說欽此

為軍務事

看得鎮守大同總兵官左都督時源將陝西延安等  
衛所千戶等官李定完等五員關支廩給榆林等衛

所千戶等官李潤等十八員名不支廩給聽用一節  
切照各處鎮守官員止許奏帶頭目五名今若准其  
所奏仍外多帶各邊將官未免一槩比例濫乞奏帶  
有壞舊規合無將原帶千戶李定兒等五員行令跟  
隨本官聽用仍要嚴加鈐束不許生事擾人其李潤  
等十八員名係例外之數難以准帶正德十一年二  
月初八日具題奉

聖旨既在邊用人准他欽此

為邊務事

看得巡撫宣府都御史王純等奏稱萬一虜賊整陣

長驅本鎮官軍衆寡不敵莫能捍禦各關以裏軍民  
勢必被害奏要先期挑選京營或動調遼東精銳官  
兵行令謀勇將官如法操練候有警報督發前去各  
該關口按伏防禦等因都御史王純等蓋見近年胡  
虜強梁侵犯得利深憂遠慮故有此奏不為無見但  
查宣大二鎮見有食糧官軍一十四萬竭民脂膏以  
佐軍費正為防禦虜寇之計設使鎮巡等官各能大  
揚軍威布置得法虜賊雖有長驅之意寧無內顧之  
憂若恃關內有備邊備稍忽賊來既不能拒賊去又  
安能截如前歲賊過三關出入自由是其明驗合無

本部鋪馬齎文交與宣大二鎮鎮巡官員同心戮力  
計處調度操練官軍振揚威武務使我軍有必戰之  
勇彼虜有不敢深入之勢或遇其前鋒或邀其歸路  
務期取勝勿失機會如有故違罪不輕宥有本部再行  
延綏鎮巡官照例將遊奇兵馬整飾聽候調取星馳  
策應不許遲誤及通行整飭薊州保定山西邊備都  
御史李瓚減鳳李鉞親詣各該關隘點視軍馬戒嚴  
隄備減鳳仍要移在保定住劄以便經理其各關口  
官軍除舊有外若應該添調別處官軍把截并一應  
守口事宜查照往年事例應施行者就便從宜施行

應具奏者火速奏

請定奪仍各嚴謹烽堠多方哨瞭但遇有警言互相傳報併力固守務保無虞一面飛報本部奏

聞區處敢有縱放軍人懈怠邊備如馬蘭谷已死叅將陳乾者聽巡關御史指實劾奏拏問更替仍行總兵官戴欽郭錦并叅將李清盧英等及守關指揮劉淳孫璽等敢有不行嚴謹致虜越過關口地方搶掠各照律例治以斬罪悔難追及各該巡撫都御史仍責取各關口守備官不違依准存照其遼東人馬總兵官韓璽操練聽調京營選將練兵事宜本部另行

議奏定奪正德十一年二月三十日具題奉

聖旨是這戰守策應經理聽調等項事宜恁部裏便行文與各該鎮巡等官都着依擬行有違誤的重治不饒欽此

為北虜擁衆入境搶掠斬獲首級急請隣兵預  
防復寇事

看得巡撫大同都御史王憲等奏稱本年三月初八日達賊二千餘騎在於貝家造地方與官軍三千對敵追趕出境要將有功被傷官軍照例行巡按御史查勘一節訪得大同公差人到京說稱聞知大同走

路人說三月初八日達賊千餘從大同城東門搶至地名花家屯將勝指揮羊一百二十三隻被賊一人趕去本鎮聞知不敢發兵只在四門舉火賊到教場門外殺人方纔發兵行至貝家造畏懼駐劄等情雖是傳聞之言未知虛實但密邇鎮城之外達賊不過千餘出入搶掠肆無忌憚雖補發兵追勦未見斬獲功跡顯著萬一賊衆大舉深入豈能支持合無本部移咨都察院轉行彼處巡按監察御史將前項三月初八日達賊入境搶掠事情并官軍迎敵有無功罪查勘明白體訪得實具奏以奪仍行總兵官時源等

務要整搦軍馬嚴謹火堠賊入先知相機追勦毋致  
得利全歸重貽後患及看得各口奏要将原調延安  
偏頭守臣兵馬催促盡數督發前來聽其分布追勦  
如果賊勢猖獗持久不退各鎮守臣亦該照例整搦  
兵馬無程應援一節查得舊例各鎮官軍互相策應  
止許徵調遊竒兵馬其鎮城官軍各守重地難以棄  
離本鎮兼程前往隣境應援及查偏頭等關原設官  
軍數少防守本關尚不勾用原無調出關外策應之  
例前年為因調出口外以致達賊越過三關搶掠以  
此都御史陳天祥奏准三關遊兵不許動調遠出係

遵舊規難再改議其延綏遊兵六千宣府遊兵三千  
各已奏到起程日期亦無別議合無本部行移都御  
史王憲等從長計議將杭雄遊兵三千朱鑾遊兵三  
千從宜分布聽杭雄等隨機應變追逐截殺務使迎  
合虜衝遏其來路不許故為遷延遠避賊鋒如有故  
違失機誤事從重究治正德十一年三月二十八日  
具題奉

聖旨是這奏報并傳聞賊情及官軍有無功罪着巡  
按御史上緊查明了來說戰守策應等項事宜依擬  
行欽此

為急處將官早防邊事

看得巡按直隸監察御史劉澄甫所奏大意謂鎮守大同總兵官左都督時源夙抱忠勤屢立戰功但年  
老力衰又因宗室相毆遣官勘問必不能安心展  
布行事見今大勢虜寇臨邊乘虛深掠匪朝即暮緊  
急用人之際奏要會舉威望素孚將官一員星夜馳  
代早防邊患所言誠為有理但既是見今大虜臨邊  
乘虛深掠匪朝即暮却將時源取回不用其新舉將  
官非一蹴可到號令非一時能行臨敵易將必致誤  
事如近日卻永自宣府調寧夏潘浩自寧夏調宣府

潘浩已釋兵權而郤永在路未到虜賊由花馬池入  
寇平涼正當其時皆臨敵易將之所致也且時源自  
山西移鎮大同未久彼時會官推舉時源正為今日  
有事之用若無事時舉用而有事時遣去竊恐後來  
將官窺伺有警互相做做失誤軍機貽患非細及照  
時源見被勘問事情臣等不知其詳設使所犯情重  
革任取回尚有餘辜萬一時源罪薄而因訴訐一至  
輒便罷黜亦非所以待大將之體重邊聞之意也合  
無本部轉行該府差人齎文交與左都督時源務要  
遵照近日欽奉

勅內事理及本部節次題准事宜會同鎮巡官同心協力整搦人馬振揚軍威督率諸路官軍相機戰守如立奇功爵賞不吝若或怠玩消沮推託誤事罪及非輕其見勘問事情待候問完如果事有干礙應該罷黜或聲息寧靖本官年老不堪任使本部另行查奏會官推舉相應官員更代正德十一年六月初一日具題奉

聖旨你每說的是見今大同有事時源且不動着用心整飾軍馬相機戰守勿得自生疑沮怠玩誤事罪不輕貸欽此

為達賊入境搶掠事

正德十一年七月十五日酉時據防守白羊口指揮使馬忠稟本月十五日巳時據西路方良口夜不收李八常峪口夜不收王純報稱本月十五日巳時達賊滿川無數從岔道并懷來地方進入過口搶掠頭畜往南行等因到職與同守備白羊口以都指揮體統行事指揮同知丘泰統領官軍相機截殺慮恐力寡不能敵衆有陷城池理合差官具稟乞為請兵星夜前來截殺施行等因具稟待以有係緊急賊情合無着令都督張椿統領原選官軍即日起程赴居庸

關防守再令都督桂勇統領原管人馬上緊前去自  
羊口等處哨探賊情相機截殺戶部行管居庸關倉  
主事前去該關軍馬經過去處應付行糧料草毋致  
缺誤該關賞賜盔甲馬匹等項各該衙門查照原擬  
上緊應付臣等已會總兵官左都督劉暉遵照原奉  
欽依事理差人星馳前去薊州調取遼東官軍三千  
前來聽劉暉在於教場整點料度賊情隨宜住劄或  
出口征進另行奏請定奪戶部預先奏差堂上官一  
員督理軍餉如遇出軍先行整理乞

勅西官廳監督左都督許泰等并坐營官署都督俞

事賈鑑等團營提督官新寧伯譚佑等各於教場整  
捌人馬申嚴號令振揚軍威再有警報另行議處正  
德十一年七月十六日具題奉

聖旨是邊情緊急便着太監張忠監督軍務叅將桂  
勇賈鑑各管領原擬西官廳聽調人馬即日起程各  
便寓勅與他賞賜等項該衙門便給與他該部知道  
欽此

為傳奉事

正德十一年七月十六日午時該司禮監太監秦文  
傳奉

聖旨今賊情緊急恁兵部便推舉各衙門堂上官一員着量無憲職前去提督軍務寫勅與他欽此欽遵臣等便推舉得刑部右侍郎馮清本部右侍郎丁鳳俱各才望素著堪以任用伏乞

聖明於內

簡命一員量無憲職提督軍務候

命下之日請

勅并合用

符驗一道令旗令牌各十面副提督軍務關防一顆照例行各衙門請給跟隨頭目官軍就於見調官軍

內選用家人吏典各二名公同提督軍務太監及總  
兵官統領京營遼東官軍前往宣太等處征剿虜寇  
凡行軍事宜俱要協和計議停當而行宣太等處鎮  
巡以下并各路軍馬悉聽調度節制官軍敢有臨陣  
不用命者自都指揮以下許以軍法從事務要紀律  
嚴明將士用命謀筭預定早期成功如果賊寇遠遁  
即便具奏班師正德十一年七月十六日具題本日  
奉

聖旨是了鳳着兼都察院左僉都御史提督軍務便  
寫勅與他欽此

為邊情事

臣等議得今春以來節據宣大二鎮守臣奏報虜賊擁衆近邊住牧不時候犯本部惟恐夏秋草茂大舉深入倉卒無備近已會官推舉左都督劉暉操練人馬聽候調用本官奏調遼東人馬三千住劄薊州待報啓行近據守備白羊口指揮丘泰等飛報達賊已過懷來岔道并下常谷等處搶掠滿川不知其數顯是宣府官軍不能防禦以致失守若不發兵誠恐宣府既被蹂躪軍民受害又恐逼近關口擁衆突入况今秋涼草實馬肥弓勁之時縱使賊虜雖暫出境八

九月間難保不復內侵近蒙

欽命太監張忠監督軍務又

命臣等推舉各衙門堂上官一員提督軍務除另行  
具題外合無照依本部原擬題奉

欽依內事理令左都督劉暉請領

制勅掛平虜將軍印充總兵官量帶團營官軍五百  
員名并統領原調遼東人馬公同監督軍務太監張  
忠并提督軍務文臣前去宣大等處征勦虜寇其見  
領遼東人馬千總都指揮段錦合無照例令其充右  
叅將請

勅管領遼東人馬跟隨劉暉等殺賊一應出軍合行  
事宜悉照原擬施行仍請

勅一道齎赴宣大巡按御史劉澄甫不妨巡按隨軍  
紀驗功次正德十一年七月十六日具題本日奉

聖旨是劉暉還照依前旨掛平虜將軍印充總兵官  
馮制勅與他欽此

為劾奏鎮巡官失誤軍機不

叅照鎮守宣府總兵官潘浩巡撫都御史王純鎮守  
太監于喜俱受

朝廷重託鎮守遼疆手握重兵幾至八萬歲費糧餉

以百萬計專為防禦胡虜保固地方近年為因各邊武備廢弛宣府殺死遊擊將軍倪鎮張勛又越過三關逼近山西省城又自固原深入平隴夷狄之禍近所未有以此本部節次議擬請

勅鎮巡等官整飾邊備加謹隄防敢有似前怠忽失事不分鎮守總兵太監巡撫都御史俱提解來京依律治以重罪豈期潘浩素乏謀勇又敢不畏

國法先於大同寧夏兩處失事幸得無罪復轉官階畧不警悟玩愒自如都御史王純惟知大言以自寬全無經畧以防患太監于喜不能協謀行事以致虜

寇擁衆深入越過懷柔地方遍滿山川下營焦剗搶至白羊口以裏殺掠人民驚擾地方震動京畿而潘浩等若罔聞知既不見調兵截殺又不行星馳奏

聞失機軍機貽患軍民論其罪過俱難輕宥合無請勅切責潘浩等俱暫令戴罪用心殺賊果能悔過効盡死力獲有奇功尚可少贖其罪若復怠玩再致失事本部會官推舉相應官員前去更替將潘浩等俱照節次題奉

欽依事理拏鮮來京送都察院問罪奏

請發落其地方失事情節應問官員待候事寧照例

差官查勘本部再於馬上差人齎文由紫荆關前去  
大同鎮巡官處知會隄備正德十一年七月十八日  
具題二十日奉

聖旨是今地方有事潘浩王純姑着用心殺賊以贖  
前罪還寫勅切責他欽此

為達賊入境警擾人民事

正德十一年七月二十日巳時據羽林前衛正千戶  
苗世英口報蒙委本職見在西山齋堂清水等社掏  
取水和炭本年七月十五日卯時分忽有達賊數十  
餘騎不知從何關口入境到於宛平縣地方清水社

齊家庄等村殺死民人張迪又到塔河村清水等村  
殺死民人李敬暹殺傷男婦六名口搶去男女十數  
名口牛羊騾馬不知其數人去跟逐瞭見達賊不知  
其數在於洪水口地面安營本日又有達賊二百餘  
騎從沿口三分等村搶去騾馬牛羊不知其數見在  
地名黃魯安營況係腹裏偏僻地方佳居軍民俱係  
宛平縣當差人數今被驚擾朝不保夕雖有邊口守  
把官軍寡不敵衆以此稟知等因據報得此臣等料  
得前項賊情即係白羊口同日犯邊達賊今已過五  
日前賊或已退出況劉暉等統領軍馬出口遙振軍

威彼賊聞知畏懼截其歸路不敢深入但恐賊勢  
大宣府官軍盡數發出彼已輕視不懼萬一聞知劉  
暉等所發軍馬數不上萬劄營不退復入侵犯逼近  
京師若不急早預備不無倉卒失措合無本部差人  
催促原差巡捕都指揮袁傑王佐等并順天府委官  
上緊分投前去各口及前項齋堂等處地方往來巡  
哨安撫人民但聞賊情星夜飛報本部一面差人齎  
文送與都御史臧鳳翥晏官員但係通賊道路添軍  
防守供給口糧不許失誤伏乞

聖明軫念胡虜勢衆軍情難料必須有備庶克無患

乞召提督團營內外官

面諭令其作急計議挑選精銳有馬官軍作為騎兵  
每三千名委將官一員管領關給馬匹火器什物各  
給與賞賜整辦軍裝戶部上緊措備本色草料備喪  
膳壯并合用碁炒口糧俱預為辦完一遇警報即時  
出城相機截殺仍多選步軍關領盔甲挨牌火器并  
戰車就於教場演習下營預立陣法演習熟慣遇警  
即發出征各關廂相視便且地勢安營固守一則防  
護關廂軍民不使擾亂一則將官所領有馬奇兵往  
來截殺有所歸宿相機行事保無他虞前項統領奇

兵并管安步陣下營官就聽提督團營官計議推舉  
奏請定奪若見在團營內坐營官不敷許於各營  
并見在京閑住等項堪以委用官內推用不必拘泥  
常法本部通行各衙門大小官員除本部已奏行事  
件外但有禦虜長策本部智慮所不及事宜并知有  
應用將官俱聽明白直陳所見共濟時艱正德十一  
年七月二十日具題本月二十二日奉

聖旨是恁所陳各項事宜便行與各該衙門官員着  
一一依擬舉行共圖有備無患毋得輕忽誤事欽此  
為緊急聲息事

伏觀

大明律內一款若臨敵缺乏及領兵官已承調遣不依期進兵策應若承差告報軍期而違限因而失誤軍機者並斬欽此合無本部差人齎文送與都御史李瓚督委的當官員或委副使王玟不時往來黃花鎮等口嚴謹點閱加意防守仍行各該營衛將該口秋班官軍起取赴關防守不拘班次其春班官軍至期如有聲息亦不許放班再各請

勅一道差人星夜馳送巡撫山東河南北直隸都御史嚴督都布按三司將京操秋班官軍預先整點如

原定京操官內有事故或不堪委用不拘常例調委如無相應官員各衛所掌印官亦許暫委領班其軍起程之日俱於常年總會地方務要點齊整肅隊伍統領赴京不許似常縱容散行延緩原額京操軍人內有年遠逃絕一面僉補一面先儘見在軍人上班不許似常虛捏詭名充數等待齊足彼此牽累其上班軍人預支月糧或一二箇月或三箇月以充路費此係徵調原有京操軍人防禦虜患重事三司以下官員敢有似常玩忽八月終不到齊足各該巡撫都御史就便遵照前項律條事理叅奏拏問重罪其巡

撫都御史各將遵奉

勅旨督查上班官軍職名總數并起程日期先行回  
奏仍行各都司備細造冊送部查考正德十一年七  
月二十日具題本月二十二日奉

聖旨是都依擬行欽此

為緊急聲息事

正德十一年七月二十二日酉時據居庸關分守指  
揮孫璽報正德十一年七月二十二日寅時據懷來  
城夜不收紀英齎守備本城指揮同知俞鎮報本月  
二十一日申時據保安新城差夜不收蘇得恕口報

蒙總兵官潘浩差夜不收報稱本日辰時青邊等口  
大勢達賊九箇頭兒入境傳報隄備等因據報得此  
近於本月十五日為因白羊口防守官軍數少致賊  
搶至上常谷等處幾犯京師後遣右叅將賈鑑統領  
官軍三千員名前去殺賊本月十九日本官報稱賊  
勢退往宣府柳溝等處劄營該監督太監張忠調遣  
所領人馬出關追剿訖今報達賊又從青邊口大舉  
入境白羊口雖有指揮馬忠官軍五百員名勢尚寡  
弱恐其突入難以支持合無請

命坐營都指揮張安統領團營官軍一千員名請

勅星馳前去督同馬忠等協力防守務保無虞合用  
軍器行糧等項行移各該衙門照例施行正德十一  
年七月二十三日具題奉

聖旨是張安便着統領團營官軍一千員名上緊前  
去督同馬忠等協力防守寓勅與他欽此

為預防虜患事

正德十一年七月二十二日酉時據分守居庸關指  
揮孫璽報稱二十一日辰時青邊等口大勢達賊九  
箇頭兒入境等因據此竊料以後聲息緩急雖難逆  
料理當預防庶不誤事伏乞

聖明急召太監張永新寧伯譚祐與臣瓊計議推舉  
堪以領軍將官五員請

旨委用每員管領騎兵三千每日教場操練整辦軍  
裝什物器械火炮鎗銃等項俱要整齊堪用再乞  
命都督許泰張洪等將團營西官廳見在軍馬一  
體整點齊備聽用再照用兵戢守全賴犒勞供給  
馬肥人飽方得濟事乞

命戶部將臨戰供給官軍飯食馬疋細草熟料事宜  
預先計議措置毋致臨期失誤聽征官軍每名賞銀  
二兩置辦軍裝暫將太僕寺收貯馬價銀兩那借支

給待候事寧戶部補還本部多差能幹官員管換會  
同館好馬如馬不敷於太僕等取撥自德勝門起直  
抵居庸關止沿途擺撥輪流傳報聲息頃刻可到其  
馬夫馬疋每日支與飯食苴料銀一錢亦於太僕寺  
馮價銀內動支再乞

命太監張永等將做工軍士暫且歇工各營軍士除  
前選定騎兵外其餘步軍量數多少結成步陣整理  
挨牌火炮戰車等項預先於各關廂外安營周圍挑  
塹以待騎兵出入且戰且守其餘事宜陸續舉行正  
德十一年七月二十三日具題本日奉

聖旨是堪任領軍將官恁每便會同太監張永新寧  
伯譚祐議推五員來看團營西官廳見在人馬還着  
都督許泰等整點齊備聽用其餘都依擬行工程照  
舊欽此

為請兵防禦虜寇事

看得提督軍務右侍郎丁鳳等奏要將盧鏜等原選  
達官軍三千員名給與馬疋盔甲等項就令各官統  
領前去昌平州住劄防護遇警聽臣等隨宜調用仍  
乞

勅都御史李瓚臧鳳任鑑各親詣該管關隘加意拒

守等因查得本部先於本年五月奏行都御史臧鳳  
預選堪用達官軍操練聽調繕該本官奏報選定堪  
調達官軍止有一千二百餘員名給與盔甲馬疋開  
隨因聲息緊急將前項達軍見調易州住劄防守其  
紫荆等處緊要關口官軍尚恐守把不敷又調保定  
叅將盧英所統官軍星馳赴關協同防守及查得昌  
平州見差都指揮張安帶領人馬一千員名在彼住  
劄居庸關又有都督張椿統領官軍一千員名在坡  
防守相去昌平州不遠可以互相應援今若又將盧  
鏜等所統達軍調來昌平州住劄誠恐紫荆大關缺

人防守顧此失彼及查薊州紫荆等處東西關隘并  
山西三關該本部節次奏行都御史臧鳳李瓚李鉞  
等加意防守外合無本部行文左都督劉暉等協同  
計議將宣大二鎮見在軍馬設法調度相機戰守務  
在拒遏虜賊不得深入不可專恃紫荆等關有備少  
有緩急以致失事責有所歸正德十一年七月三十  
日具題八月初二日奉

聖旨是宣大二鎮見在軍馬並有劉暉等從長計議調  
度戰守還着李瓚等各親詣關隘去處督令加謹防  
守其餘都照前旨行欽此

為計處邊務自効不職失誤等事

看得巡撫宣府都御史王純所奏大意謂虜衆我寡不能抵敵之意名雖自効意實遮飾查得前項虜賊七月十三日入境十九日方出六日之間從容搶掠而宣府官軍初出下營自以為哨探不的倉皇未齊復出追襲又以為連日鏖戰損折不多詳其都御史王純前項去年議奏禦虜計策預擬虜勢重大京軍不必動調自謂本鎮軍馬按伏觀變如吳起之善守夾攻擄巢如孫臏之解圍必不出虜賊之下等語人皆謂王純大言如此必有自負智畧宣府一鎮必可

保其無虞不意今日虜賊入寇王純嬰城自衛一籌  
莫展既謂衆寡不敵又不敢明言請兵救援且要本  
部從長議處特奉

聖諭所奏事情便看了來說臣等為照宣府一鎮設  
置將領屯聚軍馬百有餘年已有成規運謀禦敵皆  
彼處重臣之責但恐衆寡不敵以此議奏先於團營  
選將練兵正有深意以備今日之用而王純聞風附  
會不量廟謀屢奏沮撓不許發兵及至失事方要本  
部從長議處非惟敗軍之將不可言勇而用兵機宜  
亦非臣等所敢遙制合無本部再行太監張忠侍郎

下鳳左都督劉暉等督同潘浩王純等從長計議隨  
機應變務在料敵先知隨宜戰守計出萬全事無一  
失有功陞賞不吝失事國法難逃其潘浩王純等  
失事罪過仍依原議戴罪殺賊事寧查勘奏定奪  
正德十一年八月初四日具題奉

聖旨是王純還着遵照前旨戴罪用心殺賊軍中戰  
守等項事宜依擬行欽此

為糾劾失機守臣正國法以保重鎮以奠京師  
事

看得兵科等六科左給事中等官黃鍾等奏要

勅下錦衣衛速差官校將潘浩拏解來京將王純于喜取回罷閑降用并副遊參將守備守口等官通

勅巡按御史或照例差官會勘參究即推堪為鎮巡者三員星馳前去代替等因貴州等十三道監察御史牛天麟等奏要將潘浩王純于喜拏解來京速推相應人員前去接管其副參遊擊守備防禦等官通勅巡按御史查明開參從重究治等因臣等議得近日宣府守臣潘浩等失事委得情重比常不同今左給事中黃鍾等監察御史牛天麟等數其喪師失律之罪使潘浩聞之自當甘服及論國法不可輕宥

之意揆之輿論無不相同竊惟

朝廷所以制馭萬方固取不服者賞與罰而已有功  
不賞有罪不罰雖堯舜不能治天下自古用法寬縱  
威令不行以致人心輕忽百度廢弛卒之壞事誤國  
遂不能救載諸史冊皆可考見近年各邊將臣失事  
往往以有事之際藉口終逃刑憲遂使人不知畏因  
循幸免如潘浩輩若有畏法憂死之心豈無先事預  
防之策今既該科道官交章論劾似難再為寬處况  
宣府地方見有太監張忠侍郎丁鳳左都督劉暉等  
在彼本處副叅以下將官皆聽提督其潘浩等雖是

暫留在彼垂首喪氣亦必不能有所施為伏望

聖明俯從各官所奏特

勅錦衣衛差官校將潘浩先行拏解來京其王純于喜或一同拏解或取回定奪伏乞

聖裁法令一行一以慰安被害邊人紓其憤怨一以震懾諸邊將帥得其死力事舉若輕所繫甚大其副總兵陶杰以下令其遵照

前旨戴罪用心殺賊仍聽劉暉等調度約束果建奇功准贖前罪如仍失事一體重治仍乞

勅司禮監奏請差內臣一員更替于喜吏部并本部

照例會推相應官各二員上請

簡用更替王純潘浩各令上緊前去其地方失事情節仍聽巡按御史候賊情稍寧查勘具奏定奪正德十一年八月十四日具題奉

聖旨是這地方失事情重比常不同潘浩便差人拏解來京問理于喜王純姑免提還照前旨俱着戴罪殺賊待地方事寧并陶杰等一併查叅了奏來處治欽此

為聲息事

看得提督軍務侍郎丁鳳等題稱瞻見境外達賊大

營三處一處膳房堡境外與和城賊營東西約長四十餘里離邊三十餘里及稱宣大二鎮節報境外達賊或下營或行走居止無常變態不一恐如姦細所供之言進來搶掠誠不可測等因臣等因見今年三四月來宣府節報達賊近邊住牧必有入寇之舉所以預先奏請推用劉驥桂勇賈鑑選練精兵三萬內馬軍二萬以備調用不意軍未選成馬亦中沮七月內果有雞鳴山之禍近日節報達賊近邊駐牧臣等竊料虜賊平素四散劫逐水草畜牧為生若聚眾近邊營必非無意况竊以前後姦細之言如出一

口以此節次議擬奏 請差人火速齎文督勵各邊  
守臣加謹防禦及今腹重搜捉姦細誠非輕舉以警  
衆實乃慮患而預防今侍郎丁鳳等會本具奏前因  
與本部所慮相同合無本部再行馬上差人齎文交  
與各該邊鎮及行張忠丁鳳劉暉等協謀盡忠勉勵  
將士振揚軍威共圖報國以拒強虜敢有懷奸不忠  
之人陰持猶豫緩我邊備及縱容姦細出入自由窺  
我虛實 國典具存決難輕貸再乞

勅左都御史彭澤查照本部議題急處邊務事奉到  
欽依內事理作急計議督發金輔陳珣陸續先出各

邊關隘防禦馱馬未充後再補給成國公朱輔該領  
官軍四千員名見在整點亦候充馬完日陸續前去  
再乞

勅團營提督官催督撫寧侯朱麒安遠侯柳文上緊  
操演步陣以備調用都指揮袁傑守五員見操官軍  
一萬五千員名本部照依原擬給與賞賜銀兩置辦  
軍裝日逐操練先儘出征官軍充充馬疋陸續領馬  
騎操其前項馬步官軍應否關領盔甲器械亦行團  
營提督官作急計議奏請定奪正德十一年八月  
十七日具題奉

聖旨都依擬行欽此

為瞭報賊營事

照得近年虜寇犯邊為因地方廣濶失於瞭望飛報  
虜賊衆寡向徃不能預知因而失事今太監張忠侍  
郎丁鳳左都督劉暉自出征以來協心運謀選差得  
人遠出瞭探虜勢衆寡及起營駐劄日期皆能預知  
隨其向往調度隄備誠得用兵之法有先事之備但  
虜衆大勢既已到威寧海子下營相近大同邊外其  
蔚州靈丘廣昌接連三關十八隘口等處地方俱該  
嚴謹隄備及照大同副總兵朱振平素驍勇慣戰所

統人馬精強虜寇知畏近蒙充總兵官鎮守宣府誠  
恐朱振聞

命即日起程赴鎮大同地方缺人防禦合無本部行  
文朱振督領所部人馬暫且照舊在於大同地方防  
禦如遇入寇相機戰守以安地方候賊營去遠及奉  
到

制勅并新任副總兵到日方許赴宣府到任行事其  
潘浩遺下兵馬合行太監張忠等計議如果坐坐都  
指揮孫琦堪以委用督令管領操候若孫琦才力不  
及會委署都督桂勇暫且統領聽調戰守俱聽各官

從宜施行本部再行差人齎文交與提督山西三關  
都御史李鉞提督紫荆關都御史臧鳳提督東西  
二路太子太保左都御史彭澤等各照欽奉

勅內并本部節次題准事理欽遵比常十分加謹  
防禦相機戰守施行正德十一年八月二十三日具  
題奉

聖旨是大同副總兵已有旨了朱振還着上緊前去  
宣府鎮守地方其餘依擬行欽此

為軍務事

看得鎮守宣府總兵官署都督僉事朱振等奏稱前

任總兵等官止是分司分隊立為營分聽候出戰未  
曾精選以致強弱相攙今年達賊壓境搶殺官軍迎  
敵因而僨事要將團操前後營馬隊官軍揀選頭等  
者三千一百三十三員名立為前營聽其統領遇警  
當先出戰次等者二千八十九員名及無馬步隊官  
軍八百餘員名并隨營兵車俱立為後營探報聲息  
緩急繼後策應仍每五人編為一伍互相救援一人  
有功四人同賞一人有罪四人同罰果有畏避當先  
艱苦實緣請託更改等項究問重罪等因本官鑒戒  
前失欲圖後功故會同巡撫將官軍挑選精弱分別

營伍定立賞罰具見用心軍務選練有方合無本部  
轉行朱振悉依所議施行仍咨巡撫都御史劉達并  
鎮守太監劉祥務要與朱振協和計議依擬施行不  
可偏執已見沮壞軍法以致朱振不得展布行事失  
誤軍機如違聽巡按御史劾奏究治臣等又議得宜  
府一鎮食糧官軍數幾八萬今主將所統不過三千  
近日虜賊擁衆入寇動至七八萬寡不敵衆遂至失  
事又近年建議者不知邊情方欲添設城砦以分兵  
力又欲召募新兵以困百姓若不早為救正其弊不  
可勝言及主將所統兵少亦當早為議處合無本部

通行宣府大同鎮巡官計議今後不許添立砦堡以  
分兵勢亦不許召募新軍以致糧草不敷舊軍缺食  
逃竄仍查各城堡見在食糧官軍內除已選本鎮團  
操及奇遊兵外中間但係驍勇精銳軍人可以調用  
殺賊者挑選見數編造文冊或臨時徵調策應或量  
數取赴鎮城輪操務使總鎮城內常有精銳奇兵二  
萬以備征戰其餘城堡官軍不必數多遇賊勢小則  
追逐截殺若遇勢大則堅壁固守以待援兵前項事  
宜各官計議停當徑自施行應具奏者奏  
請定奪正德十一年十月十五日具題奉

聖旨是都依擬行欽此

為瞭報聲息督兵協勦事

查得監督軍務等官太監張忠等正德十一年十月初九日奉

旨取回今報本年十月十一日辰時達賊約有三千餘騎到於井坪城三山墩拆牆七處進入本日未時又有達賊三千餘騎往南行走十三日申時已到山西偏頭關往南鎮西衛等處搶掠顯是虜賊覘知宣大地方遼東并京營人馬在彼有備不知取回故從井坪朔州邊界軍少去處乘空進入直趨偏頭等關

搶掠計自十三日入寇至今二十三日已過十日山西鎮巡官不見飛報必是又已出境都御史王憲已行叅將李淳遊擊盧卿孫鎮并延綏遊擊杭雄朱鑾隨賊向往相機截殺又督副總兵張輓探賊緩急相繼應援又訖宣府遊奇等兵兼程前去分布防守倘偏頭關十分緊急亦就督發救援詳此王憲所處深為得策使杭雄等各能聽受王憲指授協謀奮勇邀其歸路驕虜散歸必遭剗刎今欲再發天兵不惟緩不及事抑且訪聞大同等處糧草十分缺乏供給不敷切照近年以來虜賊強盛動輒深入得利出沒

無常實難料度各鎮兵馬東西調發互相應援疲困已極添支行糧草料費用不貲近日延綏人馬俱調大同已行奏准放回行文未到適有今日之事此時達賊雖未知消息何如但即日起風河凍大虜過河入套侵犯延寧又恐延綏人馬盡調河東本鎮無備致有誤事及查宣府境外近日亦報零賊出沒倘或乘虛分道並入亦難支持合無本部差人馬上齎文交與都御史王憲等從長計議若是前賊已遯出境行令杭雄等仍依前擬回還本鎮預備虜賊過河入套設謀戰守差人催促王勛上緊赴任整搦人馬

固守大同地方或遇延綏徵調遊奇兵馬即時督發其宣府地方將官多因失事被劾未免懈怠及守備等官緣事暫委多不得人都御史王純既已辭回尚在彼處等候交代難以行事乞

勅都御史劉達上緊前去會同總兵官朱振等整理邊務見缺將官作急會推委用不許遲誤及照山西三關既留都御史李鉞整飭又節次奏行副總兵郭錦等嚴謹隄備又將添設遊擊將軍張綺自大同放回專守三關今大同巡撫官報來十月十三日達賊萬餘偏頭關地方搶掠今已十日而山西鎮巡官俱

無奏報通屬誤事合無本部移咨都察院轉行巡按  
山西監察御史查勘偏頭關水泉營八柳樹并鎮西  
衛等處搶掠人畜多寡失事輕重及有無斬獲功次  
緣由逐一明白具奏處治其并坪城朔州等處係大  
同管轄地方虜賊經過失事情由轉行巡按大同監  
察御史一體查勘具奏施行正德十一年十月二十  
五日具題奉

聖旨是這地方事情重大王勛受命日久如何尚未  
到任便差人催促他并劉達都着上緊前去管事毋  
致遲誤其餘事宜都依擬行欽此

為聲息事

看得鎮守大同總兵官王勛等奏稱今年二月初二等日瞭見達子去來不常移營赴草漸往東行寇竊之舉朝夕難測已行副叅遊擊守備內外等官領兵按伏及調宣府遊兵一枝分住天城陽和二城相機戰守鎮守宣府總兵官朱振等奏稱走回男子杜名供報醜虜要於三月初頭來搶大同并偏頭關地方大同總兵官王勛咨來要調宣府遊奇兵兼程前去大同策應本鎮地方亦報有達賊臨邊下營住牧絡繹不絕緣新遊兵一枝先已調去大同今若又將舊

遊奇兵二枝發去不無顧彼失此除行遊擊將軍時  
春統領遊兵三千星馳前去天城防禦若探知賊衆  
東行及宣府西路有警隨其聲勢前來應援等因各  
奏前來臣等議得上兵伐謀去年宣大瞭見大勢賊  
營住牧本部預於三月內議奏選調人馬防禦若使  
事無齟齬虜賊七月入寇或可得利保守無事今據  
宣大守臣前項奏報顯是虜衆復過河東似有復讐  
之舉若不預為設備未免後期失事合無本部行文  
左都督劉暉將所選官軍三千一百三十三員名整  
點齊備行文巡撫遼東都御史於本部發去馬價銀

內動支每員名各賞銀三兩缺少正馱馬疋亦於前  
項馬價銀內動支買補若有見買馬疋亦准就彼充  
領免另差人解京就令劉暉擇日限四月以裏到於  
薊州住劄聽候調取及行延綏鎮巡官再查黃河凍  
開如果大勢達賊俱過河東查照常年事例預行叅  
將杭雄等整搦所部人馬聽候大同鎮巡官明文一  
到刻期赴偏頭關等處從宜住劄相機截殺務使謀  
筭預定動合機宜不許互相觀望倉卒失措再行提  
督山西三關副總兵等官調集兵糧亦預設備不許  
專倚延綏應兵少有懈怠以致失事再行提督叅判

關都御史選委謀勇官員將保定等處達官軍精加  
揀選如法訓練編成隊伍奏給馬匹一遇調發即時  
起行再行團營東官廳叅將傅凱張椿上緊揀選操  
練務要軍強馬壯堪以征戰不許虛應故事揀選整  
齊之日仍令提督團管內外官驗看有無堪用具實  
奏聞前項軍機事情既以預處停當候再有邊報  
本部酌量緩急議擬具奏應否發兵取自

上裁正德十二年三月初八日具題奉

聖旨是這預防虜患事宜便行與各該鎮巡等官知  
道欽此

為陳言邊務預防虜患事

看得巡撫大同都御史胡瓚會同巡按御史賈啓所  
奏原情罪以責戰守嚴事例以推避體人情以省  
支費養間謀以資探報明賞格以激人心添兵備以  
專經畧六事皆修舉邊備之意不為無見今將所言  
開立前件查議明白伏乞

聖裁正德十二年五月二十六日具題奉

聖旨是胡瓚所陳邊務事宜恁每院逐一查議明白  
都着依擬行欽此

計開

一原情罪以責戰守前件豈得守邊將帥守備不設計為賊所掩襲攻陷城寨或被賊入境搶掠人民俱有

太祖高皇帝欽定律條擅難異議但中間有守備已設計本城堡原設軍馬數少止可固守城堡不可輕出禦敵以致地方被搶其情與守備該設計而故不設計者委有不同問刑衙門不論有無計策可設一向俱引前律問擬充軍又因事出不測或所搶虜人畜數少參稱律重情輕奏請俱免充軍降級發落依律

言之雖似減輕以情原之猶似過重所以都御史胡瓚等奏要將各城堡軍少守備官被賊入境搶虜人畜者止擬不應從重照常發落不為無見但賊勢衆大非守備官軍所能支持者問擬不應猶似虧枉倘賊少勢輕可備而不備被其搶虜者止問不應發落不無以後守備官員益加玩忽廢弛邊備合無通行各邊巡撫巡按問刑衙門今後各城堡守備等官可以設計而故不設計致有失事俱依律問斷不許寬縱內有事出不測及失事

數少情輕律重者仍照例奏 請定奪若本  
城堡人馬原有數少賊勢重大力不能支止  
可固守瞭高守哨及徵調隣境兵馬等項俱  
無失誤別無計策可設地方雖被搶掠力量  
不能支持係干律內該載不盡事理叅詳明  
白引律比附具奏從法司再行議擬奏

請定奪其調來各城堡按伏住劄將領往來不常違  
期畏縮失誤軍機自有本律難問守備不設  
罪名

一嚴事例以防推避前件查得各邊守備員缺

多係彼處鎮巡官疏名奏保中間亦有不曾  
奏到本部慮恐缺人查照歷年賢否考語斟  
酌推用今都御史胡瓚等奏稱各官到任之  
後因見地方多事往往推病辭任意圖日後  
別用要將推病官員改調南方子孫就彼襲  
替固是懲戒之意但律例已定輕難紛更罪  
人不忍恐失苛刻合無今後守備等官但有  
推病避難者聽本處巡撫巡按官指實叅奏  
提問查照律例問斷發落以後不許再行舉  
用

一體人情以省支費前件議得兵機最難遙度  
用兵最忌偏執若使兵常散而不聚各保境  
土豈不省費但料賊先知預先調集乃克有  
功若報至纔發鮮不失誤所費益多合無行  
文胡璣會同鎮守總兵官等料度虜營去遠  
地方無事則散兵以自守若有擁衆入寇之  
謀非大集兵馬不能防禦則依律調遣會合  
策應或調或不調皆各官臨時從長計議便  
宜而行不可著為定例致有拘泥耽誤大事  
一養間諜以資探報前件虜中走回男子聽鎮

巡官斟酌查取仍充夜不收名目委用不必  
另立通事名目及一槩行屬查取致有驚疑  
妄生疑議

一明賞格以激人心前件查得先為邊務事該  
大學士梁儲等條陳內一款大同宣府偏頭  
關等處土著軍民舍餘人等中間多有材力  
勇悍輕生善鬪之人若激之以利自能使之  
鼓舞用命勝於遠調客兵查得先年兵部題  
行宣大二鎮事例該本部議稱各邊土人有  
能奮勇設謀斬獲賊首一顆隨即賞銀三十

兩願陞者給與冠帶名為義勇永免本身差徭若能糾集鄉丁敵殺賊衆斬首至五顆以上為首者加陞署所鎮撫奪獲被虜牛羊等項四分充賞等因題奉

孝宗皇帝聖旨是便鋪馬齎文與各該巡撫官著好生省諭鄉村軍民人等果有設謀奮勇斬獲賊級的照例重加陞賞欽此欽遵通行外但原擬事寧停止不為常例今虜勢猖獗比前尤甚合無令兵部查照前例通行宣大偏頭等處三鎮揭示一應人等知會有功照例施行蓋虜賊初入

勢合而強官軍既不敢輕與爭鋒及其分散  
搶掠軍馬猝難調集應援若此策一行人人  
踴躍庶幾隨地寓兵虜人知懼不敢恣肆等  
因該本部依擬具題正德十一年八月初二  
日節奉

聖旨這各項事宜便行與監督提督充總兵官并各  
該鎮巡等官都著依擬行欽此欽遵外今都御史胡  
瓚等又奏前因緣上人斬獲賊首一顆賞銀  
三十兩願陞者給與冠帶五顆以上為首者  
陞署所鎮撫奪獲牛羊等項充賞已有前項

題 准見行事例難以別議合行各邊巡撫  
都御史將前項略節緣由徧發告示於各城  
堡鄉村張貼曉諭務令悉知其要將轉賣首  
級之人暫寬禁例一節難准

一添兵備以專經畧前件臣等議得各邊事務  
固當修舉廢墜亦不可生事別有更張宣府  
城堡最多止有二州一縣俱屬直隸先年原  
無設有按察司官成化年間兵部尚書余子  
俊奏設副使毛松齡吹毛求疵詞訟蜂起邊  
境多事人心不安旋復裁革近年添設僉事

一員管屯亦未見其有益至於大同地方城堡比宣府頗少州縣加多

祖宗舊制定為冀北道原設分巡僉事一員及布政司分守官一員又有管標管屯等官往來巡歷成化間巡撫都御史葉淇為因大同邊方更替不常又奏准許令守巡官帶家眷在於大同常川住劄二年更換識者猶以為政體紛更今若再添副使一員在於大同聽鎮巡官提督行事不無創立新例益見更張其宣府巡撫官必來比例添設將何阻止合無

行文胡璣等遇有應行事務行委守巡官往來督理各城堡事務仍令各城堡官就近分理違誤者依律究問自可責成再照各邊政務歷年俱有成規各年巡撫官員亦多效勞經畫若不遵舊約束守而勿失惟務更張自立新法誠恐議論多而成功少難以保終合行巡撫都御史胡璣凡有邊務照舊修舉不必更張

為聲息等事

議得宣大鎮巡官見奏虜營大衆近邊駐牧入寇之

舉旦夕難測延綏官軍已調大同遼東官軍見在薊  
州住劄給有賞賜馬匹亦該同時調去今若遲疑不  
決令蕭澤自行哨探又待宣府報有緊急方纔前去  
必致坐失機會虛調無用查得近年為因謀慮不審  
無事先調不即班師有事纔調緩不及事糜費錢糧  
動以數十萬計前項南京兵科給事中周用等所論  
切中時弊臣等深以為戒明白具陳誠欲為先事之  
謀以弭患省費非敢偏執一見必欲自用也伏望  
皇上俯察用兵機宜關係最重見今宣大各報虜衆  
逼境奸謀難測特 乞臣等原議即令蕭澤統領人

馬過關隨宜住劄相機戰守有事策應兵精可得其  
用無事徑回兵少亦不多費如此調度似為得宜若  
必待虜犯宣府然後出口往返十日必不得用不如  
此時即回遼東尤為省便臣等切掌兵政事有所見  
不敢隱默再照團營官軍臣等原擬行提督官計議  
應否挑選備用會議停當且奏定奪不曾奏要馬不  
下場今奉

欽依團營下場馬疋照前牧放則是不准各官會議  
惟以戶部所議為主竊恐職掌侵越事難責成萬一  
如去年虜勢猖獗大舉入寇軍令鮮嚴倉卒無措雖

是罪坐所由臣等終難辭責伏望

皇上俯念兵機最重委任當專許照臣等原擬行團  
營提督官計議應否挑選備用奏請定奪庶明炳  
先機事無後悔不勝幸甚正德十二年五月二十七  
日具題奉

聖旨是蕭滓便寓勅與他着統領人馬前去隣近宣  
府地方隨宜住劄相機戰守會合京東應毋致誤事團  
營官軍應否挑選備用恁兵部會議停當來說欽此  
為聲息事

看得大同巡撫都御史胡瓚等奏稱大同各路大勢力

賊營俱向東北去訖調到延綏叅將杭雄所部兵馬相應督發隨賊向往防剿除行本官於五月二十六日就在大同鎮城啓行挨程前去宣府地方聽彼分布殺賊一節伏覈

大明律軍政條內開事有警急及路程遙遠者並聽從便火速調撥軍馬乘機剿捕若寇賊滋蔓應合會捕者隣近衛所雖非所屬亦得調發策應并即申報本管上司轉達朝廷知會若不即調遣會合或不即申報上司及隣近衛所不即發兵策應者並與擅調發罪同領兵官已承調遣不依期進兵策應者承差

告報軍期而違限因而失誤軍機者並斬其官軍臨陣先退及圍困敵城而逃者斬欽此仰惟我

太祖高皇帝掃除僭亂用兵如神故欽定律條若遇事有緊急及寇賊滋蔓雖非所屬亦得調發策應若不即依期發兵策應因而失誤軍機皆處以斬罪蓋用兵機會不可少遲故遇有警許徑自調發策應即古人聞以外將軍制之之意司兵政為將帥者所當欽遵佩服而不可違者也近年添設總制官員不論地理遠近聲息緩急悉聽明文到日方行以致誤事臣等節次申明律禁荷蒙

聖明允納上年延綏將官安國抗雄等雖奉提督等  
官明文調遣按伏臨時寇至緊急皆山西副總兵郭  
錦遊擊張綺等就近徑自差人約會及安國抗雄等  
當即依期赴援所以不失機會致有克捷今大同鎮  
巡官料探虜賊東行就令抗雄隨賊向往前去宣府  
地方殺賊誠為得策但恐抗雄因見未奉明文難於  
遵守合無本部通行宣大鎮巡副叅遊擊分守守備  
等官并延綏調來叅將抗雄等遼東調來叅將蕭澤  
等各查照原奉

勅內并本部節次奏 准事理欽遵行事仍遵

太祖高皇帝欽定軍政律條哨探賊寇緊急火速調發策應其抗雄蕭澤等并本處副叅遊擊等官不分宣大地方隨賊向往即便依期發兵策應若如去年偏頭關得功陞賞不吝如或自分彼此遲誤調發及已承調遣違期不至以致失誤軍機聽巡按御史查勘的實叅奏依律治以重罪正德十二年六月初八日具題奉

聖旨是這依期調發互相策應等項事宜便行與各該官員都依擬行欽此

為走回人口傳報虜情分兵防禦事

看得走回婦人張氏說稱達賊到六月二十五日要  
往白城兒深入搶掠等情切詳張氏原在保安居住  
去年七月搶去見年五十四歲熟知世事所說虜情  
恐未必虛前項總兵官朱振等分布人馬似乎有理  
但臣等尤慮兵分勢弱恐失事機合無本部鋪馬差  
人齎文前去宣府交與都御史劉達總兵官朱振等  
作急會議密拘諳曉虜賊逐年出入道路之人加意  
詢訪今次虜賊若來入寇必從何路進入可於何地  
按伏兵馬可以衝遏賊鋒及邀截歸路就便從長計  
議將各路人馬聯絡一處以便策應若果入路甚多

難於料度亦須自料近邊各城堡何處城堡村落廣  
有人畜必來搶掠何處城堡曠遠野無所掠雖來亦  
無所得就於應該防禦之處調集兵馬協力防禦大  
意虜賊既欲擁衆深入必須擁衆以待庶保無虞中  
間分合進止要在相機隨宜亦不可拘執本部原擬  
致有乖違仍令都御史劉達申明律禁傳示見分布  
各路將官并管糧等官今後但有報到軍情敢有不  
即刻期會合策應及供給行糧料草因而失誤軍機  
輕則聽總兵官就彼區處重則奏拏問依律處斬  
本部一行團營整點官軍催督都指揮趙承序等上

緊前去白羊等口防守一行整飭薊州邊備都御史  
臧鳳等提督紫荆等關都御史李瓚等提督山西鴈  
門三關都御史李鉞等各親詣邊關整搦人馬隄備  
防守紫荆關就將原選達官軍舍人等調去防守偏  
頭等關尤宜及早隄備恐虜衆忽有聲東擊西之舉  
再行提督團營內外官挑選人馬操練預備遇有聲  
息緊急以備調用正德十二年六月二十二日具題  
奉

聖旨是朱振等分布官軍按伏防禦仍令互相傳報  
併力截殺所處已為得策卿等又慮賊或擁衆深入

我若兵分勢寡恐失事機欲令從長計議於虜賊必經之路及應防禦之處多集人馬以待其來所見者尤為深遠便寫勅與朱振等着遠為哨探相機戰守分合進止隨宜處置不可執定一說以致違誤其餘各項事宜都依擬行臧鳳李鉞等也各寫勅與他每知道欽此

為盜獲姦細事

叅看得招內開稱正德九年六月內達賊一千餘騎搶至獨石被賊目王倭子將馬小厮連所牧牛羊搶去中間並不見聲說行文彼處地方查勘前項日月

曾否被賊入境將本犯搶掠情由及查得

大明律內一款境外姦細入境內探聽事情者盤獲到官須要鞫問接引起謀之人得實皆斬緣本犯若係王倭子差來探聽是實即該坐以斬罪今稱入境打細思鄉不肯過邊回話難作姦細問斷不知出何律條又查得見行事例盜掘銀礦銅錫水銀等項礦沙但係山洞捉獲曾經持杖拒捕者不論人之多寡礦之輕重及聚至三十人以上分礦至三十斤以上者俱不分初犯再犯問發邊衛充軍其私家收藏道路背負者止理見獲照常發落不許巡捕人員

逼令展轉攀指違者叅究治罪縱使本犯盜礦是實不在山洞捉獲况係任用使喚人數正犯未見面審明白輒便問以充軍亦未知本何條例及又查得凡充軍人犯在外巡撫有行者巡撫定衛巡按有行者巡按定衛今馬小廝係在外問擬充軍人犯却解本部編發又於見行事例不合及審得馬小廝執稱家在安山住坐宣府孫指揮在山東追殺流賊之時被不知名光棍略去與孫指揮隨帶過口逃回並不曾被賊搶去差來細今驗小廝雖年一十九歲尚未蓄髮形體矮小面瘦如柴似非燕細之人原招違

賊差來限一年回話亦非情實又查得兵備副使舒  
晟先次呈解姦細蘭富李來安二名前來該本部審  
得俱年幼小情不<sub>以</sub>鞫服已經題准押回巡關御史  
勘問未見回報金石將馬小廝仍令押發再問誠恐  
連累致死有傷和氣合無本部將馬小廝咨送都察  
院再行詳審情犯來歷不真叅詳律例不合事有冤  
枉即與辯理仍轉行巡關御史將蘭富李來安上緊  
從公勘問明白解送都察院叅詳奏請發落干礙  
原拏原問官員一併叅奏究治正德十二年八月十  
八日具題奉

聖旨是馬小廝送都察院再行詳審如有冤枉即與  
辯理蘭富等着巡關御史勘問明白來說不許似前  
遲誤欽此

為聲息等事

看得宣府巡撫都御史劉達等既奏遼賊大營先在  
獨石等處壓境下營因防範周密起往西去大同并  
遼東官軍俱隨賊往西防禦前項古北口白羊口黃  
花鎮防禦官軍相應暫且掣回合無本部行文安遠  
侯柳文等再行差人哨探口外賊營如果離邊將防  
守官軍暫領回營照舊點開聽候一遇警報各照原

擬地方統領前去防守不許時刻遲誤候冬初草枯賊營去遠瞭無踪跡各將原領

勅書符驗旗牌奏繳各照舊管事本部仍行整飾州都御史臧鳳巖督古北口黃花鎮白羊口守備等官整搦原設官軍嚴加防守仍不時差人出口哨探如見虜賊大營復來宣府近邊住牧即時飛報執以憑督發前去防守如有失誤重罪有歸正德十二年八月二十日具題奉

聖旨這防守官軍着柳文等各暫領回營聽用欽此為盼急聲息徵兵防剿事

者得巡撫大同都御史胡瓚等奏稱正德十二年九月二十七日達賊約有一萬餘騎從彌陀山迤東往西行走勢甚猖獗比昔不同乞要請發延遼叅將杭雄蕭滓人馬并宣府奇遊兵三枝前來分布殺賊等因力月二十七日起本今十一月十三日方纔抄出訪聞前賊此時俱已退還本部便有覆奏事已無及合無今後遇有聲息

聖駕在外聽各該鎮巡官就於

聖駕行在所奏請定奪庶不遲誤正德十二年十一月十六日具題奉

聖旨是欽此

為緊急聲息事

看得巡撫大同都御史胡瓚所奏緊急聲息正德十二年九月二十八日達賊一萬餘騎從懷仁城煤峪等口入境往東南直行今十月十二日方纔奉

旨令本部看了來說傳聞前項達賊此時俱已出境但未據大同鎮巡官來報查得自本年春月以來本部已將宣大二鎮調兵防禦事宜及紫荆白羊等關口防守事宜節次議擬具奏奉有 欽依通行遵守設使素無設備豈不誤事及查得達賊大營七月以

前俱在宣府邊外佳牧八月以後俱起往西北大同  
境外佳牧大同鎮巡官已曾遵守本部題 准防禦  
事宜分布陳鈺大同左衛城周政威遠城朱鑾平虜  
城張綺井坪朔州二城張觀懷仁城孫鎮山陰馬邑  
二城抗雄應州城鄭驃麻循高時各整所部兵馬相  
機應援處置周密極為有備但未審前項達賊入境  
原分布人馬有無獲功失事地方有無搶殺被害合  
行查勘臣等又慮近年虜賊入寇多是設詐乘我無  
備突入今賊雖已出境倏忽復來入寇亦未可知尤  
當隄備合將本部馬上質文交與宣大鎮巡官查照

本部節次題 准防禦事宜加謹隄備不可少有意

忽墮賊奸計直待河凍哨探虜賊過河入套住牧宣  
大邊境方為稍寧本部移咨都察院轉行巡按御史  
賈啓親詣大同虜賊經過地方查勘前項原分布將  
官各領人馬何官設謀奮勇禦賊有功地方保固何  
官怯懦寡謀縱賊搶掠地方受害并將各州縣城堡  
被賊搶虜殺害人畜數目逐一查明具奏定奪正德  
十二年十一月二十二日具題奉

聖旨免查勘欽此

為瞭報賊營近邊事

照得每年黃河凍開虜賊住套不出必為患於陝西  
若凍開過河東行則為患於宣大今大同鎮巡官都  
御史胡瓚總兵官王勛會本具奏正德十二年閏十  
二月初十等日大邊倚山沙河等墩達賊拆牆進入  
殺死小甲射傷官軍不開曾否差人哨探黃河有無  
凍開虜賊大營是否過河不過的確緣由萬一哨探  
不的妄調人馬不惟虛費糧草抑且失誤軍機合無  
本部行文就令差來齎奏人馬上齎回交與胡瓚王  
勛等作急差人哨探如果虜賊大營俱已過河東就  
便照依常年事例再行斟酌時勢料度賊情果有深

入侵犯之舉方可徵調各路兵馬策應防禦若草未  
長茂勢難深入從緩調取以省勞費將差人哨探過  
虜情的確緣由星馳具奏查考再照宣大地方近因  
調動客兵日久住劄糧草費用盡絕戶部無計措處  
今若再不嚴加撙節預為計處宣大二鎮官軍不但  
不能禦寇抑恐疲困至極自生內變臣等晝夜憂心  
同知所措合無本部通行宣大鎮巡官務要撫恤軍  
士令其飽暖得所無事休息不可令其晝夜聽候勞  
困喪氣有事調遣庶幾精銳得用仍咨戶部轉行宣  
大管糧郎中查勘各城堡見在糧料草束如不勾用

急為處議毋致臨敵缺乏有失事機再行延綏并山西鎮巡官各差人哨探虜賊向往住劄處所整理兵糧嚴加隄備如有誤事罪必難辭正德十三年二月十四日具題奉

聖旨是哨探賊情撫恤軍士等項事宜便行文與各該鎮巡等官都依擬行欽此

為邊務事

叅照宣府遊擊將軍時春違例奏帶錦衣衛百戶丘文等六員名宣府前衛冠帶小旗曹永等五百員名合常有罪又該兵科叅論前因合無將數內無礙冠帶

小旗曹永張碧冠帶舍人錢泰昭例准其帶去聽用  
本部仍咨都察院轉行彼處巡按御史將本官提問  
照例奏請發落正德十三年五月初九日具題奉  
聖旨都准他欽此

為邊軍缺食乞早議處以安地方事

看得巡撫宣府都御史審杲咨稱各路城堡官軍擁  
門稟告月糧半年未支人心憂惶不能度遣將來冬  
深及春夏軍日愈貧飢日愈甚逃竄死亡日多墩堡  
空虛誰與戰守要早議處一節臣等議得會計邊儲  
惟由戶部職掌而軍士逃亡實與兵政相關且

祖宗朝開設邊鎮屯兵集糧百五十餘年俱有定規  
今一但匱乏如此若非原額虧欠必是浪費過多若  
不急為議處禁止軍士逃散失誤防禦關係匪輕合  
無本部馬上齎文交與都御史甯果等將缺糧軍人  
處置借支從權寬恤毋拘常法逼迫逃竄仍咨戶部  
作急查議拖欠者追補欠少者措撥及查近年不足  
之由今日足用之法議處明白作急陳奏定奪庶軍  
不困弊邊備幸甚正德十四年九月二十日具題奉  
聖旨是欽此

為預防虜患事

議得明年黃河凍開虜賊大營若在河東威寧海子等處住牧仰賴

皇上威武嚴督宣大將官整擄軍馬及調延綏奇遊兵馬相機戰守虜賊入境必遭挫衄但恐河開虜賊在套住牧擁衆深入延綏寧夏陝西地方廣闊兵馬分布不周難為戰守查得今之黃河套即漢河南朔方之地自古匈奴所居為患中國我

朝除以前年分不查外弘治十四年套賊大舉深入命太監苗達保國公朱暉統領京營官軍勦殺又命工部侍郎李鏊督理軍餉弘治十八年套賊大舉

深入正德十年又大舉深入預設總制都御史鄧璋  
調各路人馬防禦其賊俱至固原平涼下營分投搶  
殺官軍寡弱俱未能成功正德十三年套賊聞知固  
原有備蘭鞏空虛却從乾鹽池西入蘭鞏搶殺今不  
及早議處虜賊在套陝西地方必又被害合無本部  
差人馬上齎文交與宣府大同山西巡綏寧夏甘肅  
陝西各該鎮巡官各差的當人役哨探查勘黃河凍  
開之後虜賊大營若不在套在於河東威寧海子等  
處住牧宣大山西三鎮嚴謹隄備巡綏遊奇兵馬聽  
調策應若不過河在套住牧待候草長田茂勢將深

入之時延綏遊奇等兵俱分布定邊安邊等營寧夏  
人馬俱分布花馬池等處通年虜衆經行之處遇虜  
侵入會合剿殺陝西鎮巡官預先計處除環慶固靖  
守備人馬及固原遊兵外再量調取腹裏衛所州縣  
堪用戰陣官軍土兵民壯編成隊伍委官管領處置  
盔甲馬足并查照舊例預造戰車火器砲銃等項料  
虜必由之路設伏隄備一遇虜入出奇奮擊或乘夜  
斫營或截其歸路俱相機行事再行宣府大同甘肅  
各鎮巡官各挑選精銳官軍三千員名定委將官統  
領俱約定五月以裏到於固原會合殺賊戶部奏差

堂上官一員整理軍餉本部另行議奏差官處置馬  
匹聽候充軍一應禦虜防邊本部今擬不盡事以聽  
各該鎮巡官作急計議具奏定奪如此庶謀有預定  
事得先機伏乞

聖明俯念近年北虜大肆猖獗地方受害早  
賜裁處特

勅各該鎮巡官遵守施行邊方幸甚正德十四年十  
二月二十八日具題奉

聖旨是近年以來虜賊深入搶掠地方好生受害這  
禦虜防邊事宜恁部裏計慮周詳議處明白便差人

馬上齋文着各該鎮巡等官依擬行不許怠玩欽此

晉溪本兵教書卷三終